

平縣志卷之一

輿地志

星野

沿革

形勝

山川

風俗

藝文

疆域

城池

樂平封域唐代肇遷枕康帶泊

是疆形勝踞窳旺脉攸專士親風雅農洽桑田喜雋物

古不虛傳

矧茲

聖世歲沐旬宣仁風逶扇憶澤交凝登城憑眺

山梁川規

撫弗懈長此幅幘輯輿地志

周禮南斗牽牛星紀也吳越揚州分野南斗爾雅斗牛屬吳

分野史紀漢書晉書天文志地理志吳地俱屬斗分野文

獻通考自斗十度至女七度爲星紀於辰在丑吳越之分

星野

野屬揚州以輿圖考之江右古揚州吳楚地也總屬斗垣

野屬揚州以輿圖考之江右古揚州吳楚地也總屬斗垣

野屬揚州以輿圖考之江右古揚州吳楚地也總屬斗垣

野屬揚州以輿圖考之江右古揚州吳楚地也總屬斗垣

九江入斗一度豫章入斗十度饒界九江而聯豫章樂平
爲饒東境分野應入斗十度樂平舊志

附攷

周禮保章氏以星土辨九州之地所封域皆有分星以觀
妖祥鄭康成注云星土星所主土也十二次之分星紀吳
越也又云天文分野斗主吳牽牛主越周禮注

星紀斗牽牛也日月五星之所終始故謂之星紀爾雅

二十八舍主十二州斗柄兼之所從來久矣吳越之疆候在
熒惑占於鳥衡史記天官書

張守節正義云熒惑鳥衡皆南方之星故吳楚之占候也

斗江湖牽牛婺女揚州異軫荊州同上

丙丁江淮海岱一曰丙楚戍吳越漢書天文志

吳地斗分野今之會稽九江丹陽豫章廬江廣陵六安臨淮
郡盡吳分也漢書地理志

自南斗十二度至須女七度爲星紀干辰在丑於律爲黃鐘
斗建在子吳越分野屬揚州費直說周易起斗十度魏太
史令陳卓及范蠡王詡張良諸葛亮譙周京房張衡並云
豫章入斗十度晉書天文志

初斗九度中斗二十四度終女四度爲星紀唐書天文志

北斗七星二曰璇法星主地其分爲楚四曰權爲時主水其
分爲吳宋史天文志

三台六星上台下星主荆揚同上

天市東垣南第六星爲吳越同上

江南東西路禹貢揚州之域當牽牛須女之分宋史地理志

斗四度三十六分六十六秒外吳越分星紀之次元史天文志

南昌饒州廣信南康建昌撫州臨江吉安瑞州袁州贛州南

安天文斗分野九江天文斗牛分野明一統志

自斗六度至須女二度謂之星紀之次大雪冬至居之越之

分野蔡邕月令章句

據鄭氏周禮注天有十二次地有九州以此九州當彼十二

次周禮雖云皆有分星不知其分孰分之也星紀在于東

北吳越實在東南漢書地理志分郡國以配諸次其地分

或多或少徒以相傳為說其源不可得而聞之或有災祥

而為占者多得其効蓋古之聖哲有以度知非後人所能

測也孔穎達春秋正義

分野者指列星所屬之分而言鄭氏謂星所主土是也其國

在此而星則在彼彼此若不相配而其為象未嘗不相屬

非地之在北者其分野在天亦居北地之在南者其分野

在天亦居南也蘇伯衡論分野

饒州吳地禹貢揚州之域星紀斗分清類天文分野書

斗六星二十五度吳之分野饒州七縣章世純星次分野

豫章之地春秋時為楚東境據天文則吳之分野續豫章記

按史記楚世家昭王十二年吳伐楚取番正義括地志云

饒州春秋時為楚東境秦為番縣是則江西郡縣春秋二

百年本屬楚至魯定公時始為吳有耳通志

饒占揚州吳國之境考索通考諸書云北斗則揚徐主權饒

則揚五星則歲星主齊吳饒則吳二十八宿則斗牛女星

紀之次為吳越揚州之分野饒則吳越揚州晉書云自南

斗十二度至女七度爲星紀吳越之分野屬揚州饒在焉
或云九江入斗一度豫章入斗十度饒界於中非精天文
者莫之分然總以斗爲據云饒州府志

一統志豫章禹貢揚州之域天文斗分野斗二十五度所分
野之地迥數千餘里躔度次舍宜有鑿然不爽者考之天
文諸書及各郡舊志類皆沿習異同不能分晰各度乃蒐
求遺書獲殘卷一帙分野圖說斗六星二十五度爲吳之
分野南昌入斗八度饒州廣信同居七度而九江則入牛
五度雖分郡甚晰然與九江入斗一度豫章入斗十度從
前諸家又相逕庭矣豈氣數遷移古今懸隔不相符合一
至此乎江西志論

沿革

周

樂平古禹貢揚州之南周成王封熊繹於楚時爲楚壤至春
秋吳王夫差伐楚取番地屬楚東境

秦

始皇復析楚地建九江郡餘汗隸焉時縣爲餘汗東樂安鄉

漢

高帝析九江建豫章郡縣屬豫章 按漢書高后四年四月

封魏無擇樂平侯

漢郡國志云樂平屬鄱陽郡

吳建安末孫權析豫章建番陽郡因析餘汗東北鄉建樂安

縣治銀城

晉

晉書番陽郡有樂安縣

南朝

宋劉省樂安齊以裴忌封樂安子以崔慧封樂安男梁因之
陳改銀城魯廢入番陽縣

隋

開皇九年平陳改番陽爲饒州而其地隸饒州

唐

廢邑開元四年廉問使韋玠即長樂水口建樂平新縣盡統
樂安舊地乾符五年爲黃巢所燬不可復理中和間寇平
始遷今治領鄉十七元和間析丹陽懷金二鄉入安源
五季

時縣皆屬南唐至昇元二年析樂平銀山南部二鄉置德興
宋

太祖開寶八年伐南唐樂平隸臨安爲望縣

元

元貞初改縣爲州

明

洪武二年復爲縣隸江西饒州爲鄉十一分都四十二正德
七年析新進鄉二十三都二十四都二十五都豐樂鄉二
十六都二十七都二十八都二十九都共七都入萬年都
存者凡三十五

國朝

仍明爲縣其鄉都俱如正德以後未有更改以上俱舊志

附改

樂平縣治在府城東一百二十里本餘汗東樂安鄉地東漢

未析置樂平縣吳孫權時西徙樂安鄉名樂安縣治銀城
樂平疆域包今德興時歛人程海亮聚眾剽掠故徙陳改
銀城縣隋唐併入鄱陽唐復建樂平縣元和間析丹陽懷
金二鄉入婺南唐析二鄉置德興縣宋因之定爲望縣析
盡節鄉入德興元陞爲州明改爲縣編戶二百七十三里
國朝因之饒州府志

漢永元中置樂安縣在銀城雷次宗豫章記

銀城卽今邑之東水路太平寰宇記

本漢餘汗縣地後漢靈帝於此置樂平縣南臨安江北接平
林因曰樂平元和郡舊志

陳天嘉元年嘗廢唐朝建亦在銀城後因歛寇程海亮剽掠
兼山勢險峻地隴高下乃移於長樂水口卽今所名勝志

唐武德九年省樂平縣後重置唐書

南唐昇元二年析樂平二鄉置德興縣志

元元貞元年升州元史志

明改爲縣正德七年姚源盜平析番陽餘汗貴溪地及樂平
之新進豐樂二鄉地立萬年縣嘉靖通志

國朝仍爲樂平縣同上

邑號附

康山邑治主康山故名

洎水邑治南大河水派出德興洎山故名

洎陽邑治面陽故曰洎陽以上俱舊志

形勝

樂平北主康峯南賓嶂嶺內河源發嶺山分支而環縣治

樂平系志

卷之一 地理

形勝

下

外河注潞泊水橫一邑而滙鄱江舊志

沃野三十里米粟饒裕舊志

洪巖鬱蔥叢玉森秀一統志

樂平山水重岡盤紆由東而來縣治實據其趾宋許錫簡靜

樂邑既勝於水復雄於山明陳九德鎮西樓記

北嶺如拱如揖泊江如環如抱明黎澄泮池記

樂平東抵德興西連鄱陽北界浮梁而南則廣信接壤馬土

地方平山氣雄峻郭子章書郡邑表說

樂枕饒歛之交疆域曠衍山川盤秀屬饒名區萬曆輿地志

風俗

忠臣孝子繼踵而出唐王德連風俗論

山川寂清文獻相續輿地志

其人喜儒故其俗不鄙宋趙汝弼

男女效勤內外有別舊志

有陶唐遺風明一統志

多茂美好學宋劉定學記

王氣所鍾衣冠之域源流至論

士肅肅民熙熙一邑之三代宋馬廷鸞記

多俊秀喜儒以名節相高黃廷堅集

樂平剛直勇於義此風教之善府志

山巒巖峻故民多剛克不撓金宰公宇記

風俗長厚氣節慷慨者居多萬曆輿地志

樂之人文以介樂之俗質以厚舊志序

民惟力本輸將殷殷馬三代遺黎萬曆舊志

樂平縣志 卷之一 疆域

樂平舊域東西相距一百二十五里南北相距一百五十里
今東西之廣如故而南北之袤一百里

東至思惟路七十里

自界至德興縣三十里

西至界首三十里

自界至番陽縣九十里

南至萬山三十里

自界至萬年縣六十里

北至長林五十里

自界至浮梁縣七十里

東南至孤石九十里

自界至弋陽縣一百二十里

東北至河衝七十里

自界至婺源縣一百二十里

西南至烏原九十里

自界至安仁縣五十里

西北至江羅二十五里

自界至番陽縣一百里

自縣至本府

陸路一百二十里水路一百五十里

自縣至南京會同館

陸路一千一百三十五里水路一千七百五十里

自縣至北京會同館

陸路三千四百五十五里水路四千八百九十二里

城池

唐

中和間縣治自樂安舊城遷今治故無城但立四門東曰洎

陽西曰濡袴南曰利涉北曰景豐

宋

末年立排柵為城建四門東曰朝天西曰平西南曰文明北

曰拱北

元

至正間因兵燹燬

明

正德五年水南盜起知縣龔淵即四門遺址築之砌以石每

門建樓一座更名新之東曰東安西曰西樂南曰南平北

曰北順北順奔火

十一年冬知縣張文應重修如前制

嘉靖四十一年巡撫江西都御史胡松會議檄下本縣知縣

黎楚度地興築城郭屹然設正門四東明門騰暉樓西順

門燦壁樓南明門朝宗樓北順門拱極樓其工役量丈經

營之制詳載叅政黎澄建城記

萬曆二十四年知縣金忠士因諸生議申請闢建文昌門一

座于學宮前樓曰萬魁在泮池之外帶河之內義民洪鏡

自願輸財効勞營築後以形容言不利仍塞之

國朝

順治十年知縣王德明重加修葺

康熙十年知縣王道隆建四門城樓築堤引洧水東流以衛
城郭培地脉有記

乾隆九年七月初七日洪水驟發冲坍西南北三處城身知
縣陳訥詳明設法捐修

關市

朝天關在縣治東長樂坊即小東關

平西關在縣治西泉安坊

利涉關在縣治南來蘇坊

肅川關在縣治北鳴琴坊

鎮北關在縣治北清泰坊即大東關

清瀨關在縣治鳴琴坊

吳口市在長城鄉

桐林市在金山鄉

明口市在金山鄉

九墩市在金山鄉久廢

沙源市在銅山鄉久廢

杭橋市在永善鄉久廢

大睦市在永豐鄉久廢

湖園市在永善鄉久廢

衆步市在永善鄉

石埠市在樂安鄉久廢

萬山市在懷義鄉久廢

雁塔市在靜理鄉久廢

花橋市在萬全鄉久廢

三溪市在靜理鄉

勇山市在萬全鄉

永靖鎮在永豐鄉

嘉興鎮在靜理鄉

已上二鎮明嘉靖庚子浮梁擾攘奉上司勅立然水土不一佳嘉興奪廢永靖雖僅存礎多粗惡而歲亦漸替矣府志

街巷附

東隅街 三箇

卷山巷 仁祐巷 城南巷 程家巷 駱家巷

南隅街 二箇

卷柱山巷 土橋巷 二施巷

西隅街 三箇

巷 陶家巷 羅溪巷 李家巷 潘家巷

北隅街 二箇

巷 孝思巷 橋東巷 永安巷 惠民巷 松巷

鄉都

唐十道圖縣各有鄉鄉各有里其制五百家爲鄉百家爲里其後併省不常

宋鄉各有都都各有保熙寧中行保甲之法以十家爲保以

五十家爲大保每十大保爲都又各統于鄉先時分都四

十四至是革十一都十三都入十都故存都四十二

元承宋制其詳未攷

明自正德七年割新進豐樂二鄉七都入萬年縣則本縣見

存都三十五箇二百三十一

永豐鄉在縣東管都五

一都去縣一里編戶十畝

二都去縣一里編戶六畝

三都去縣十里編戶五畝

四都去縣二里編戶八畝

五都去縣十五里編戶八畝

長城鄉在縣東北管都三

六都去縣三十里編戶九畝

七都去縣五十里編戶五畝

八都去縣五十里編戶三畝

金山鄉在縣東北管都四

九都去縣六十里編戶四畝

十都去縣五十里編戶六畝

十一都去縣七十里編戶六畝

十二都去縣七十里編戶十畝

樂安鄉在縣東管都三

十三都去縣六十里編戶六畝

十四都去縣八十里編戶六畝

十五都去縣七十里編戶八畝

銅山鄉在縣東南管都三

十六都去縣七十里編戶三畝

十七都去縣七十里編戶三畝

十八都去縣四十里編戶八畝

永善鄉在縣東南管都二

二十一都去縣五十里編戶八畝
二十二都去縣三十里編戶十畝
豐樂鄉在縣西南管都一

三十都去縣三十里編戶九畝

懷義鄉在縣西南管都三

三十一都去縣五十里編戶七畝

三十二都去縣二十里編戶五畝

三十三都去縣二十里編戶十一畝

靜理鄉在縣西管都四

三十四都去縣十里編戶十二畝

三十五都去縣五里編戶十七畝

三十六都去縣十里編戶七畝

三十七都去縣四十里編戶十三畝

萬全鄉在縣北管都七

三十八都去縣三十里編戶四畝

三十九都去縣六十里編戶二畝

四十都去縣四十里編戶四畝

四十一都去縣六十里編戶二畝

四十二都去縣七十里編戶二畝

四十三都去縣六十里編戶二畝

四十四都去縣四十里編戶六畝

國朝仍明制鄉都悉同

官基附

湧山原八澗司官基一方建屋十二間現在每年納租銀貳

兩肆錢

大寺前原布政司公署官基一方建屋三間現在每年納租銀壹兩伍錢

鑿水坑原驛遞舖官基一方建屋五間半現在每年納租銀壹兩貳錢

署前馬公祠東官基一方建屋一間現在每年納租銀叁錢城隍廟西官基一方佃種現在每年納租銀貳錢

張家橋原建窰場中地貳畝捌分佃種現在每年納租銀叁錢署傍鼓樓下官基一方建屋一間未納租

又東邊官基一方又照牆背官基一方俱空

以上官基據現在納租解司者照縣冊移送載入其空基未經納租者不及詳載

山川

康山在縣治東五里乃縣之主山其麓有康氏居故名一名東山并以爲邑號

登高山在縣治東二里元朱公遷詩有雲氣陰陰隔樹亭身憑高處眼雙明之句

烏石山在縣治東三里

石城山在縣治東南五十里一名仙人城惟石循徑縈紆入其中空洞曰石城岩中有會仙洞宋程少卿依山爲家標

曰叢玉李伯時畫爲圖西曰潛光巖彭汝礪詩花開洞府春長在人會瀛洲夜未歸

天分山在縣治北三十里山石黑白相半故名

烏聊山在縣治東北五十里山陽有龍亭湖其東釣臺山仙

女潭其西為鷲潭之盤石石下有潭曰大汾

鳳凰山在縣治東三十里吳溪之南以狀名

石屋山在縣治東北六十里外望雲如屋中空可居

樂峪山在縣治東八十里介饒徽間與葛山相連兩山之間

巖穴甚奇洪氏世居其麓故名洪巖東曰洪源

葛山在縣治東七十里相傳葛仙翁學道於此有李氏讀書

精舍宋許錫詩東望不如西望好只緣身已出山中

勇山在縣治東北七十里石山雄峙故名

石門山在縣治東五十里魯脩登高詩見後

樂山在縣治東七十里接德興浮梁界

鷹鵠山在縣治東七十里如鵠飛舉旁有山如鷹搏擊土人

總呼鷹鵠山

軍山在縣治東六十里枕溪上有井唐末五姓軍保山捍寇

因名軍山宋張顯詩亂石如羣羊台沓千里奔軍山屹當

前盤踞老虎蹲

陽台山一名王大山在縣治東五十里樂安鄉層巒疊嶂石

壁蒼峯明沐國公祖塚其畫落鍾靈處也嘉靖敕立禪院

萬曆間有僧顯相見雜志

石墨山即樂平山

字山在縣治西十五里

天童山在縣治東六十里

芙蓉山在縣治東六十里以狀得名宋楊萬里有詩問來還

是芙蓉火瀾開兩牕高捲簾

利石山在縣治南四十里唐永徽中取其石以供銀冶

蕭山在縣治東十里北源樂安江吳平彭綺在此

樂平山在縣治西十五里有石似墨舊呼石墨山唐代更名

萬山在縣治南三十里有尊嚴難犯之勢縣治面之

金銀山在縣治西南三十里以石形色相似得名

乳泉山在縣治西北四十里下有石如研初名石研嶺唐貞

觀中西麓出乳泉天寶六年賜今名

自鳴山在縣治西二十里有貴溪鳴山祠故名

萬斛山在縣治西北五十里

王佐山在縣治北五十里衆山中特爲蒼秀土人呼陽早山

鍊銅山在縣治北六十里唐置場冶鍊銅天寶六年賜名後

洪水發山頌爲湖

鳳遊山在縣治東北八十里饒徽間一鉅鎮舊名濟源唐改

今名爲縣脉發蹟之祖山麓有潮泉其出洶湧其收立涸

有教焉厥係樂邑價買浮民糧業永絕挖煤以保縣脈

吳溪山在縣治西山有石室中有石人石鼠陳策有詩

仙鶴山在縣治南二十里其下一池三阜中阜有靈鶴觀

文山在縣治東南三十里山勢磅礴界連七貴舊設官鎮之

鏹山在縣治北五十里疊石如積鏹故名

桐木嶺在靜理鄉自樂平入番陽

白土嶺在永善鄉通棗木王師嶺

松木嶺在永善鄉自樂平入弋陽

南村嶺在萬全鄉自樂平入浮梁

符竹嶺在長城鄉通南村嶺

刺門嶺在金山鄉自樂平入德興驛遞所經

嶂嶺在懷義鄉爲縣治屏障故名

梅巖在金山鄉明邵寶號二泉遊記畧云入洞門濶十餘丈稍曲而左蔭然入室焉當承宇處石有如筍者如菌者如珊瑚琅玕者纍纍下垂若將墜然近僻處有石鱗鱗號仙人田右行又如一室室之頂垂石折盤如龍紋之耳中一竅水滴注右折而行地漸高有石如舟者如碁者地漸寬平如階以升其上蓋揭鐘懸益宏而虛如亭之狀左右穴各一天光照焉出之則山巔也記畧見通志詩見後
洪巖在金山鄉高聳百餘丈盤亘四十餘里有天井岩桐木岩風岩氣岩惟洪岩寂著山腰有石室南北相通其中雲氣泉聲四時不絕宋令王世輔有詩山下洪氏世居之亦名洪源

月巖在縣北五十里鄭氏世居其麓

觀甘巖在金山鄉即小觀岩詩見後

石城巖在縣南東六十里山石如城石中空敞故名事詳載

石城山

泊川德興南部鄉有泊山山水發源處曰泊灘里西流經德興縣治入樂平縣樂安鄉是爲泊水當邑治在銀城時泊水抱邑而流故稱泊川或以邑治內河爲泊非也

樂安江源出巖之芙蓉巖逶發源縣治而下與德興水合入樂平樂安鄉故名樂安江東北之洪源水吳溪水內河水

明港水西南之泊水洛溪水長樂水五里水相次入焉

內河在縣治南自鋤山而西可三十里分爲三支中支起康阜爲縣治左支挾傳賢塘水右支挾西塘水至衙前二水

合抱市西流號爲內河過龐公橋入樂安江

吳溪在長城鄉派自婺源游汀入邑萬全遠石吳山而下過苦竹渡與浮梁計坑水合又過烏潭蕭家二渡潞爲吳溪

一自此西入樂安江

洛溪在縣治東六十里南樂安北金山俗云明口

三溪在縣治西三里二小港流合樂安江故名

清溪在縣治東八十里胡氏居其旁宋知縣楊簡書清溪字

文溪在縣治東五十里俗名臨港

槎溪在縣治東六十里俗名流槎

泊口灘北金山南樂安

寶谷灘南銅山北樂安

浚灘北金山南樂安因饒娥哭父處名之

薛家灘南銅山北樂安

楓樹灘北長城南永豐

遙港灘南北俱永豐鄉

鐘家灘南北俱永豐鄉

施家灘北靜理南懷義

鳴灘北靜理南懷義

淘金灘在金山鄉

大汾潭在長城鄉鷺塘盤石下

深不可測明點字王祖生葬其上隔河有饒宅墓祠

鳳凰潭在豐樂鄉河溪口

龍停湖在樂安鄉

秧青湖在長城鄉吳溪

蛟湖在永豐鄉鍾氏居其旁

汰金洲在縣西十五里平沙臨水先有麩金塲開元後廢
薛家塘在城市中范家池在九隅街東

橋渡

文明橋在縣治南洪武三十一年知縣張彥方建祭酒徐旭
記正德十三年知縣張文應重修乾隆九年七月初洪水
衝壞知縣陳訥從新興建有記

太平橋在縣治西舊名泉樂橋宋改今名

利涉橋在縣治西跨內河

螺坑橋在縣治北鳴琴卷

惠民橋在縣治西萬壽坊

陶家橋在縣治西

裏南橋在縣治東今名土橋程希文建

外南橋在縣治南跨市河通三溪即文明橋

新橋在縣治東南

便運橋在縣治東南便民倉之前去堤丈許以便南北二兌

搬運故名

望仙橋在縣治北一里黃禹建黃積之重建

飛仙橋在北門外王兆隆妻洪氏割股救姑重建酬愿

魯家橋在縣治北門外

朱橋在縣治東三里舊名歸橋有南康府孫姓者聞母病歸
急至此無渡發愿母病痊造此橋果驗因以名之今俗呼
爲朱橋雍正間邑庠程景軻募邑人建

順濟橋在縣治西二里

廣濟橋在縣治西三里

通濟橋在縣治西五里已上三橋俱係潘廣安建

永濟橋在縣治西六里潘恩榮建舊名陳家橋

仁濟橋在縣治西十里舊名高橋成化間本府同知戴仁偕

知縣趙錡弘濟同建編修程楷記

下高橋在靜理鄉崇禎間庠生黃一源重建汪和記

袁橋在靜理鄉

太來橋在懷義鄉

勒馬橋在永豐鄉

鴉鵲橋在永豐鄉

吳口橋在長城鄉弘治間知縣陳崇建命耆士葉昂云橋屢

圯于山水且當衝要督工難其人聞爾封股藥親孝亦檢
矣必能推此念以濟病涉者卒以成功萬曆間詹德明昂

新重建

西湖橋在長城鄉

霜涉橋在金山鄉戴元宣伯常有序

僕射橋在金山鄉唐董晉官僕射子孫名官于橋以念祖嘉

靖丁未項德政重建

石吳橋在金山鄉

青紫橋在萬全鄉金材一門科第五人故名李綱齋記

望雲橋在蘭谷村劉伯翼官于柳別母此地母望伯翼回母

歿伯翼思母建橋故名

萬碩橋在十二都棧源村項功厚建俗名諸津橋

文溪橋在文田里

觀橋在靜理鄉

銅山橋正德十二年知縣張文應建舉人胡祥記

龐公橋在靜理鄉晉封龐秀之為樂安伯因以名橋

湖灌橋在豐樂鄉

黎家橋在永善鄉

上高橋在永善鄉徐氏建

八澗橋在萬全鄉

張家橋在縣西五里知縣程沂建

計坑橋在萬全鄉

朱茶橋在懷義鄉

泉湖橋在萬全鄉

雲仍橋在銅山鄉下源口

縮口橋崇禎間庠生黃一源重建

許家橋萬曆乙未年知縣金忠士率義民士鑑建立

姊妹橋萬曆乙未年知縣金忠士率義民士邦本建立

金公橋在銅崗埠省郡通衢溪流湍急經這累年未就萬曆

乙未知縣金忠士捐俸率義商張文錢等義民方繼武等成之行者懽悅故名有記崇禎間圯僧澹齋募化義士朱

祖恩等重建邑孝廉楊振新有記

鎮署橋舊名寡婦橋久廢乾隆十四年里士民公建

樓窟橋庠生黃一源重建

盧家橋在永豐鄉橫源村

高陽橋在金山鄉圭湖港許恩與謙九鄉本堂四人全建

永安橋在銅山鄉康熙六十一年邑侯何見龍率鄉飲賓徐

文炳輸百金倡首衆建有記見藝文

普樂橋在永豐鄉蚌溪村浮邑通衢從前設渡至乾隆三年
邑民王君祿捐貲鼎新建橋

南步渡北永豐南懷義

蕭山渡北永豐南懷義

接竹渡北永豐南懷義

港口渡北靜理南懷義

黃夷渡北靜理南懷義

黃蘗渡在懷義鄉大河

高家渡在懷義鄉大河

韓家渡在懷義鄉大河

神前渡在懷義鄉大河

太平渡在懷義鄉大河

潭溪渡南永豐北長城

明口渡北金山南樂安

戴村渡在樂安鄉通廣信

烏潭渡在長城鄉

樂平縣志卷之二

建置志

縣治

公署

縣屬

舖舍

印典

倉廩

惟公有署恤民是滋興利淪源除害拔帶琴必星巫治詎

一例佐以丞尉兵衛併隸牧圉羣黎翼黃堪婉矧今興作

聿先廟制仰止景行學宮廣厲教立專司道衷至請統以

明倫匪徒工藝文治振興儒風弗替輯建置志

縣治

唐

開元中始置樂平縣舊在長樂水口即樂平鄉乾符五年燬

于黃寇中和間遷今治 按漢時有樂平縣但治無考

宋

乾道八年知縣鄭如岳重新之沙隨程迥記

淳熙十六年知縣徐木即縣治東堂葺主簿廳知縣楊簡記
嘉定十三年縣丞趙汝馭撤堂廡重門新之扁丞廳曰簡靜
邑人許錫記

嘉熙四年知縣羅侶廳西築近民堂以聽訟賈南金記
元

元貞間陞縣爲州至正間同知郝伯川重修縣廳州判王佐
協修蔡深記

明

洪武初復爲縣官廨仍舊成化丁未火舊制盡燬

弘治二年知縣趙錡重新縣治邑人會元程楷德興叅政舒
清皆有記

弘治五年知縣鄒泰建應宿亭于堂北朱袞謬記

正德六年知縣龔淵建清白堂自爲記

正德十一年知縣張文應修葺正堂

嘉靖三十三年知縣龐尚鵬重修

萬曆九年知縣趙秉忠重建儀門

萬曆十二年知縣鍾化民建寅賓館扁曰求賢自輔

萬曆十九年知縣黃洽中重新譙樓顏曰忠蓋爲舊令張公

彥芳題

萬曆二十二年知縣金忠士重修正堂顏曰尊美

國朝

順治二年署宇悉罹兵火四年知縣田發建正堂及內署

順治八年知縣王德明復建譙樓

順治十二年知縣索景藻建儀門暨寅賓館

康熙九年知縣王道隆重建頭門及左右吏舍甲寅燬於兵
康熙十七年知縣宋良翰重建正堂及清白堂始復舊觀邑
人洪煒記

康熙四十一年知縣荆毓鳳重建頭門

行署附

察院即兵備司在縣治西舊花靨鎮基明正德五年僉事鄭
宣建九年副使許庭光增建今廢

布政分司在縣治西清泰坊明正統中叅議夏即元驛地建
成化叅議李蕙廣新之今廢址存

公署

正堂寔堂清白堂知縣署詳建置

清軍廳附簡靜堂縣丞廳在正堂東今廢基存

管糧廳主簿廳在正堂西今裁基存

巡捕廳附贊政廳典史廳在正堂東南

戒石亭在甬道中萬曆間知縣黃洽中重建今廢

龍亭庫在堂西

架閣庫縣庫俱在堂東

寅賓館在儀門東

土地祠在儀門東

縣獄在儀門西

講樓在正門上

柳青亭明成化庚子夏早知縣陳崇折柳枝跪步禱雨即雨
以柳枝植廳畔深活大幾拱圍刻石記之久廢

應宿亭知縣鄒泰建都水司主事朱袞有記今廢

平政亭在縣前今廢

申明亭明洪武元年奉詔建立一在安隱寺石一在平西門
外及四十二都各立一座凡民作奸犯科者書其罪揭于
亭中以寓懲惡之意洪武八年令本縣衙門前建立一座
官吏過犯者書揭板榜以示懲勸洪武十一年奉戶部勅
民榜令各處里老千亭中剖決戶婚鬪訟萬曆辛卯知縣
黃洽中重建縣左後廢乾隆間知縣王猷重建於頭門外
旌善亭明洪武初建在清泰坊十六年知縣丁宜民徙平西
門內及四十二都各立一所凡民間孝子順孫義夫節婦

書其實行揭于亭以寓勸善之意正德十二年知縣張文
應劄于縣西有邑人胡祥記萬曆十九年知縣黃洽中重
建縣右今廢

演武場舊在縣東康山之麓弘治四年知縣趙錡買民地黃
家嶺徙立後民不稱便堪輿且碍文風萬曆八年知縣趙
秉忠復遷原址至今民戴焉

講堂在縣治西北古察院司舊址康熙五十五年知縣李廷
塚建

上諭亭在縣治西北原安隱寺舊址雍正五年知縣汪弘禧
建乾隆十五年知縣王猷改建為
萬壽亭前後三重規模如殿

縣屬

仙雀寨巡檢司去縣治南六十里宋設巡檢一員管土軍一百訓治兵甲巡邏州邑緝捕盜賊爲職聽守令節制元明因之後移萬年荷溪都屬萬年久經裁革

八澗巡檢司去縣治北七十里元添設巡檢共二員明因之各統弓手二十名專掌巡捕盜賊禁治私鹽等事國初仍設八澗司巡檢一員至雍正二年裁

文山所巡檢司久廢通志

康山驛在長樂鄉自唐迄宋有之後廢通志

稅課局宋制明嘉靖間奉例裁革

醫學宋制無考元設學正一員明設訓科一員主醫學洪武十年除授坊人朱致中司訓科永樂十八年致中子永孚繼授宣德二年永孚子孟基繼授成化五年宋世亨領其

職弘治四年何正領之弘治十年周冕黃燦黃輝程仲和相繼領職其屬有醫生五名專治藥餌療民之疾嘉靖間宋燦術精有司榮以冠帶學舊設于三皇廟東今無定處陰陽學宋制無考元設學正一員張元宗授任弟可宗繼任明設訓術一員洪武初授邑人張汝民司訓術張復雄張時勉張明俱相繼前職正德間程周行領之嘉靖間王民範程明遠何德銘相繼領職慶曆間程道潛領至十八年王天眷例授職俱以通陰陽術者爲之其屬有陰陽生五名專以下擇時日也學設于三皇廟西今無定處

僧會司元制無考明設僧會一員洪武十五年以僧人爲之以統緇流司舊在安隱寺東今無定處

道會司元制無考明設道會一員洪武十五年年以道士爲之

以統羽流司舊在萬壽觀東今無定處

吏額附

宋制吏差稅戶康定中以不省文牘遂募有田業人爲之多懼不宥從本縣吏三十人貼司二十人元以吏爲出身之階以日月序遷有自尉司吏至顯官者人爭求之不俟募也本州司吏十二名貼書一人書狀一人又捕盜司巡檢稅課局等吏名數未詳

明吏出身之階益廣在柳縣以三年爲一考六年兩考在京衙門又撥當該一考吏部考中乃得冠帶挨次附選出身其官職之高下以歷衙門大小爲準授職有差

國朝吏戶禮兵刑工每房司吏一名典吏二名架閣庫典吏一名承發司典吏一名鋪長吏一名

儒學吏一名

鋪舍

縣前總鋪名息迤在縣治前右今燬

山塘鋪在永豐鄉

大塘鋪在永豐鄉

吳口鋪在長城鄉

烏潭鋪在長城鄉

半山鋪在金山鄉

桐林鋪在金山鄉

花棚鋪在金山鄉

官店鋪在金山鄉

思惟鋪在金山鄉

已上等舖凡十通德興縣

高橋舖在靜理鄉

橫源舖在靜理鄉

界首舖在靜理鄉

已上等舖有三通鄱陽縣

新豐舖在懷義鄉

萬山舖在懷義鄉

已上二舖通萬年縣俱明正德四年知縣張文應請立

卹典

育嬰堂在城隍廟西康熙十九年知縣宋良翰奉文鼎建雍

正元年知縣何見龍重建

惠民藥局唐制在縣治南陽宋制在東隅清泰坊元皇慶間

知縣馬升重建以醫學官掌之有司每歲以官錢收買藥

入局法製以濟凡民之疾者明朝因之尋移置安隱寺前

正統間復于清泰坊舊址建之尋廢

養濟院在北關宋崇寧三年奉詔即景豐門外建置居養院

以居窮民歲給銀米元因之謂孤老院明洪武初改今名

知縣曾宇春重建成化丙午縣丞朱驥徙永豐登高山下

中廳事左右居宇前門井竈俱備收養老幼孤鰥計口月

支米三斗及冬夏布疋窮民得其所養萬曆二十三年知

縣金忠士重修明季圯廢 本朝重建額設孤貧三十一

名口每名每日給糧壹分自雍正元年扣建增閏

漏澤園在縣治小北門外宋崇寧三年令州縣以常平錢置

漏澤園以瘞民之死而無歸者嘉定中知縣紀極極因民訟

于景豐門外得沒官地六十畝志其封域周以垣牆命僧
主之官給月米元制無考今遺址尚存中墻皆被勢侵且
取土有傷縣基來脉深望主茲土者復其制并禁其取土
以培縣脉焉

義塚萬曆己丑年疫時多客死者邑民王賜買山一段在康
山之旁楊仁買地三畝在永新鎮上墩入爲官地任民塋
葬此亦仁政所感附見

義塚康熙五十一年知縣李延塚捐買一都戴有明山捌畝
坐落東門郊外武當觀側東至大路西至官山南至黎姓
地北至盧姓山

義塚雍正十二年知縣汪弘禧捐買毛清山地貳畝坐落東
門外武當觀南立有石碑

倉廩

預備倉舊在登高山下後遷城隍廟左積穀至弘治己酉知
縣趙錡增修後廳事前直舍左右小廳事倉二十餘間用
廣積貯舊廢康熙十九年知縣宋良翰重建今廢

有備倉在登高山下弘治己酉知縣趙錡徙禪臺今廢

便民倉在慈湖書院舊址成化乙巳叅議李蕙屬知縣陳崇
建貯穀備賑貸中廳事後暨左右皆倉庾改名常豐隆慶
間知縣趙黃金因本縣南北二兌倉場舊在粮舡廠每徵
米時賃地編竹爲囤貯米就中侵漁耗散不便率十甲經
里即常豐址創東倉并移舊粮廳暨于堂後乃主簿高宗
漢所督建也仍名便民崇禎末年傾圮順治十八年知縣
高脫凡仍舊基鼎建康熙二十二年知縣葉正誼修

常平倉即便民倉舊址建之在城外東隅額貯積穀一萬八千四百三十餘石又每年徵收糧米漕倉同處有官廳便兌倉在鄱陽太陽埠原係三十五都三十六都三十七都徵貯漕米臨河便兌今廢基存

社倉在各坊隅鄉都

社倉之設備賑濟也本縣止有預備一倉一遇歲荒動輒掣肘至萬曆甲午年知縣金忠士遵奉本府林欲厦撫臺陸萬垓檄勸率良民聽其自愿輸穀建倉不煩一檄不走一差隨有義民程書三五等自願各建倉各輸穀以在城計之得倉六所得本穀一千七百四十九石擇謹厚鄉約領其事每年夏發秋收每石取息二斗設簿登載歲終稽查以考盈縮鄉社倣此歲稍數則免其息大歉則令次年

償之上下稱便外續收監生張國綱陶善穀六十石未入總數今皆圯廢此亦仁政救荒之制仍錄其名以傳不朽中隅常平社倉係義民何其義建在城隍廟隙地之右有廳一所門宇墻垣齊備東西列倉二眼本縣知縣金忠士捐俸輸穀一百石又率義民何堅三王思敬等共輸穀二百三十七石四斗五升九合共積穀三百三十七石四斗五升九合

東隅常豐社倉係義民程書三五孫眷三八共建二倉在小東園興仁社學同址本縣知縣金忠士捐俸輸穀一百石又率義民程書三五孫眷三八等共輸穀二百九十石四斗九升五合共積穀三百九十石四斗九升五合

西隅常登社倉係義民陶平章建有二倉在鎮西樓後仍乎

惠廟址爲之本縣知縣金忠士捐俸輸穀一百石又率義民陶五四李決四一等共輸穀一百四十六石四斗九升五合共積穀二百四十六石四斗九升五合續收冠帶生員陶善輸穀十石入倉本生字汝登坊人

南隅常盈社倉係義民王鑑黃時萼建有二倉在大寺旁仍嶽廟故址爲之本縣知縣金忠士捐俸輸穀一百石又率義民許多五六王邦允王奎等通共輸穀一百五十四石五斗共積穀二百五十四石五斗

城外南隅常亨社倉係義民呂朱保二九徐行遠建有二倉在文明橋外仍忠義祠本縣知縣金忠士捐俸輸穀一百石又率義民程光顯程元一等共輸穀二百零一石五斗共積穀三百一石五斗

北隅常裕社倉係義民高飛王世爵建有二倉在范公池邊仍郭西廟址爲之本縣知縣金忠士捐俸輸穀一百石又率義民張七六高飛等共輸穀一百六十八石五斗共積穀二百六十八石五斗監生張國綱續輸穀五十石併入本倉總數及前社倉數內訖

六都富善社倉一所在涪口村義民詹德民建其子天顏善繼父志輸穀五十石同里好義吳幼輸穀五十石

七都養賢社倉一所在花山村義民方顯祖建方雲龍方禧等共輸穀六十石六斗方文明輸田十畝歲入租十石

十二都濟衆社倉一所在觀源村義民董華玉董訓祿建本民共輸穀一十八石

十二都廣惠社倉一所在桐崗村義民段一鵬段德克段尚

文共建率族輸穀二百二十石社正段尚廉主管

十七都義興社倉一所在流芳村義民劉慶龍建并輸穀五石又率衆劉和等共輸穀五十四石六斗通前共五十九石六斗

十九都感恩社倉一所在吳灣村義民吳日和等建吳日鼎等共輸穀五十石

二十一都向化社倉一所在倪家山係義民倪大用建并輸穀一百石

三十四都懷德社倉一所在十魁村係監生徐希夔建率族輸穀若干

三十七都尚義社倉一所在鴈塔村舉人洪世弼建義民洪尚卿等輸穀六十石六斗

四十三都濟民社倉一所在稍田村係義民朱邦輔建朱邦佑等共輸穀一十一石

按建倉利民善政也後與藥局養院俱廢但從前積貯亦恐非粒粒沾溉在民而有侵漁中飽為豪強不可問者嗟嗟天下有治人無治法藥局善矣而奸醫從此實利養院善矣而支給一時為難倉預備矣而遠近道里弗均嗷嗷難裹腹入市曰然則可竟廢乎廢而不舉是猶因噎而廢食也俟物力既寬審慎修復勿以其弊而不為勿未為而先憂其弊可也舊志

國朝社倉穀原貯在城隍廟內于乾隆七年奉文設倉東西南北四鄉分貯一十八處社正副經理出入

市都社倉一所在城隍廟內

東鄉五都六都社倉一所在潭頭村

東鄉七都八都社倉一所在庄前村

東鄉九都十四都社倉一所在官庄村

東鄉十五都十七都社倉一所在流芳村

東鄉十六都社倉一所在戴村

東鄉十八都社倉一所在雙排村

東鄉十九都社倉一所在灣頭村

東鄉二十都二十一都社倉一所在象埠街

南鄉二十二都三十都社倉一所在禮林村

南鄉三十都社倉一所在界頭村

南鄉三十一都社倉一所在牌樓村

南鄉三十二都社倉一所在南岸村

西鄉三十五都社倉一所在港口村

北鄉十都社倉一所在石村

北鄉十二都社倉一所在頂村

北鄉十二都社倉一所在段村

北鄉三十八都社倉一所在耆德村

以上俱社倉共計一十八處

府兌漕倉在饒州府河南岸礮房一所屋連三進其基地前

一至大河後至湖脚東西牆脚爲界照奕載明詳注詳傳後

按樂邑漕糧運兌向在省城蓼洲頭康熙五十年奉文

將水次漕倉就近改設郡城河干便兌雍正六年知縣

沈嘉徵捐俸建置嗣後新官接任歷經承買難免那移

之累乾隆十一年知縣陳訥詳請以省倉變賣價抵府

樂平縣志 卷之二
倉因念省倉原係閭邑士民公建由來已久難以頓棄
有本邑監生汪鱗獨力捐輸銀肆百兩公置府倉而省
倉賴以不廢閭邑紳士呈請詳憲置旌教諭楊人傑贈
詩貢生戴一泓俱見藝文

省允漕倉在省城蓼洲頭前通街後臨套河左右有墻係通
邑士民公建

會館

京師會館肇於明萬曆戊申許君實捐銀二百兩買餘千舊
址於長巷四條衙衙邑人歸德訓導程舜恭有記本朝順
治八年明經胡士懿清隱占得復捐銀構門屋署額尋圯
康熙九年易州同知王大典復鼎新門屋其館舍尚俟修
葺乾隆十年合邑紳士捐貲鼎建邑朱裔文鄒儒各有記

兵衛

宋 縣治舊無城池但立排柵以備不虞編設防禦之人未詳

元 初立千戶所鎮于文山之陰縣治防禦制未考

明

洪武初改爲百戶所仍鎮文山後併入本府千戶所但歲遣
代守之尋爲鄉戍以上俱舊志

按文山千戶所在永善鄉文山控饒信元立千戶所鎮
之明初以百戶鎮守後併入本府千戶所文山巡檢司

亦在永善鄉府志

景泰間都御史韓雍置民快四十二名本縣調遣今革

成化間都御史李蕙編機兵三百名後本縣團操兵一百九十二名防守差兵一百五十三名府縣捕兵一十四名正德間巡撫孫燧榜示鄉村凡一百家立一保長及小甲大甲各置器械巡捕賊盜在縣治設立教場魚點機兵如法演武兵備副使許廷光王綸先後增至六百名按閱操練以備調遣保障一邑後城市鄉村各立鄉約保甲之法以備不虞

國朝

本邑武備初無經制專官因時設防本府叅將麾下或設或撤故官職不及詳載以上俱舊志

分防樂邑設弁目一員兵五六十名不常專司防守舊係潯營內兵丁撥貼自康熙十一年爲始隸饒營府志

本邑防守康熙年間設外委把總一員駐防縣城領目兵四十七名

水汛有鄒家邊上田嘴淘金灘魁保四處內鄒家邊一汛康熙五十五年洪水冲崩基址知縣李延琛移置饒娥祠東汛名如故乾隆九年七月初七日洪水冲去鄒家邊上田嘴二汛十二年知縣陳訥領項修葺

陸汛有金公橋象埠二處

以上六汛每汛撥目兵五名巡防其存縣差防目兵一十七名

王大臣金公濟業二集

庚子年十二月...

用各成始...

縣五千五百...

大府百曉...

...

樂平縣志卷之三

建置志

鉅典書院

學校遺書

廟制

祭器

樂器

學產

鉅典

國朝

世祖章皇帝

御製臥碑文頒勸學宮 順治九年

聖祖仁皇帝

御書萬世師表扁額頒懸大成殿 康熙二十三年

詔各學設樂器 康熙三十一年

御製

至聖先師贊暨四配贊頒學勒石 康熙三十九年

御製訓飭士子文頒勸學宮 康熙四十一年

上以西征嘯爾丹凱還

告成太學頒平定朔漠碑勒石學宮康熙四十三年

特諭升朱子於十哲之次康熙五十年

御製周易折中暨朱子全書成頒行康熙五十三年

詔以宋儒范仲淹從祀康熙五十三年

世宗憲皇帝

首命追封

孔子五代王爵將啟聖祠改爲崇聖祠雍正元年

命各省學宮建忠義孝悌祠仍建節孝祠於學宮外雍正元

年增定從祀先賢先儒復林放蘧瑗秦冉顏何鄭康成范

增縣賈牧皮樂正子公都子萬章公孫五諸葛亮

了翁黃榦陳淳何基王柏趙復金履祥許謙

蔡清陸隴其增張迪入崇聖祠增仲弓伯牛子張有若四

家博士雍正二年

御書生民未有扁額頒懸學宮雍正四年

上諭直省內外途

先師誕辰齋戒一日

命凡

聖諱字加卞爲邱雍正五年

上以西征羅卜藏丹津凱還

告成太學頒平定青海碑勒石學宮雍正七年

上以闕里新廟上樑之前二日慶雲現出內府古器永遠置

獻雍正七年冬十有二月

上命將

聖

祖欽定書經詩經春秋傳說彙纂暨

御製性理精義各直省刊板頒行雍正九年

皇上詔升有子於十哲之次乾隆元年

詔以元儒吳澄從祀乾隆三年

御書與天地參扁額頒懸學宮乾隆四年

頒發祭樂二器學宮陳設乾隆六年

欽定四書文一部明史一部頒於學宮乾隆七年

頒發文廟春秋二祭樂章乾隆八年

命直省文武官員於朔望文廟行香禮畢即親詣

崇聖祠行禮乾隆十年

御撰資治通鑑綱目全書二部頒發學宮乾隆十二年

學校

宋

樂平縣儒學在縣治東長樂坊熙寧五年縣令范鏐建劉定

有新建學校記

淳熙間縣令陳鑑修葺

紹熙三年縣令楊簡擴其制自爲記

元

元貞間陞爲州學知州劉吉安建慈湖遺書閣至正壬辰

燬于兵

明

洪武初仍改縣學知縣曾宇春承蔣惟賢始建大成殿及

講堂未完

洪武十五年知縣丁宜民增修成之教諭夏伯時記

建文間知縣張步方增修齋舍

正德十年知縣楊志重建大成殿及兩齋

正統十年知縣王容重建明倫堂櫺星門

天順間知縣鄧冕建弦歌樓

成化間知縣陳崇重修大成殿

成化二十三年丁未燬于火

弘治二年知縣趙錡依舊制新之有編修程楷記

正德十三年知縣張文應教諭蔣健奉兵備副使王綸提學

副使唐錦先後檄修殿廡戟門及明倫堂居仁由義二亭

嘉靖十一年知縣顧堅奉例建啟聖祠敬一亭

嘉靖二十五年知縣陳絳修學

嘉靖三十四年知縣龐尚鵬置學田并修學

隆慶三年知縣程沂重新泮池黎澄記

隆慶五年知縣趙黃金建泮橋

萬曆十九年知縣黃洽中奉按院檄修學

萬曆二十三年知縣金忠士重修劉應麒記

崇禎二年署縣本府推官朱天麟重修劉若宰記

國朝

順治二年悉遭焚燬八年知縣王德明重建大成殿九年建

戟門名宦祠鄉賢祠櫺星門學門啟聖祠內閣范文程記

康熙十年知縣王道隆重修文廟鼎建明倫堂兩廡及齋舍

廟四圍墻垣并修啟聖祠名宦鄉賢祠有記

康熙十三年甲寅齋舍門垣復遭兵圯十八年知縣宋良翰

重修大成殿及兩廡齋舍門垣

康熙三十八年知縣荆毓鳳修

康熙四十一年知縣石為崇建育真才崇正學二坊今廢

康熙四十八年知縣李延埰修

雍正八年知縣印文正重修明倫堂

乾隆元年知縣汪弘禧因學宮年久朽壞從新鼎建 聖殿

崇聖祠明倫堂文昌閣尊經閣魁星閣等處工將竣即內

擢學院于辰有記

乾隆九年知縣陳訥增修有記教諭楊人傑共勦厥成有

記

乾隆十三年新浚泮池建泮橋於櫺星門前

廟制

聖殿

東西兩廡

戟門

櫺星門

泮池在櫺星門外

崇聖祠在殿西舊名啟聖祠雍正元年改為崇聖祠追封

先師五代王爵

明倫堂舊有居仁由義二齋在堂東西今改

文昌閣在堂東

尊經閣在堂西

魁星閣在殿前東

護文祠即土地祠在殿前西

弦歌樓天順間建今廢

敬一亭舊在啟聖祠前今廢

教諭學署在殿前西

訓導學署在殿前東

學門在殿前東學厨在殿西

學倉舊在殿西今廢

學庫舊在明倫堂後今廢

射圃在南洲闕帝廟後東南俱黃竹籬爲界西至闕帝廟後牆爲界北至港爲界歲收佃租銀四兩充公

名宦祠在戟門左見祀神位凡三十九人

吳

縣令封石城侯韓公當

唐

縣令柳公尹

宋

知縣毛公抗

知縣范公錫

知縣許公幾

知縣王公輔世

知縣鄭公如密

知縣徐公木

知縣楊公簡

知縣曹公彥約

知縣晁公公億

知縣紀公極

縣丞應公孟明

縣丞湯公鑄

主簿裘公萬頃

元

縣尹黎公辰

明

知州胡公惟孝

知縣丁公宜民

知縣曠公彥溫

知縣張公彥方

知縣金公澤

知縣揭公魁

知縣陳公崇

知縣汪公和

知縣張公文應

知縣黎公楚

知縣金公忠士
照祠內神位增入

縣丞張公讓

主簿高公宗漢

教諭林公錫

教諭黃公伯川

教諭劉公正隆

訓導鄭公賢

國朝

知縣尹公衡

典史金公屏翰

知縣王公德明 照祠內神位增入

知縣索公景藻

知縣宋公良翰 照祠內神位增入

原任提督江西學政翰林院侍讀高公璜 雍正十年奉文
崇祀名宦

大學士原任江西巡撫都御史白公潢 乾隆九年奉文崇
祀名宦

鄉賢祠在戟門右見祀神位凡三十三人 內芝山書院見

宋

龍圖閣直學士馬公遵

司農少卿程公博文

徽猷閣待制洪公彥昇

太常博士金公極

贈端明殿學士程公振

學士忠宣洪公皓

觀文殿學士洪公适

資政殿學士洪公邁

端明殿學士洪公邁

資政殿學士王公剛中

江西運判鍾公季玉

觀文殿學士馬公廷

樂平縣志 卷之三
台州路教授馬公端臨

明

封豸寧王沐公英

高陽侯許公瓊

國子監祭酒徐公旭

涪川知縣洪公初

金華知府方公素易

絳州訓導程公仕簡無祠內神位增入

監察御史汪公瑛

兵部左侍郎黎公福

吏科都給事中董公昱

翰林院編修程公楷

威遠知縣詹公陵照祠內神位增入

兵部尚書范公勳

英山教諭周公聰

禮部主事方公應庚

國朝

內秘書院大學士謚文肅范公文程

閩浙總督謚忠貞范公承謨

府學芝山書院見祀合郡理學名儒神位樂平四人

宋

程時登登庸

吳中準軒

元

朱公遷克昇

明

王逢松塢

右二祠俱仍舊制

國朝

忠義孝弟祠在學宮東

祀姜喆以下

節孝祠在學宮東

祀饒娥以下

右二祠俱於雍正三年知縣馬子驥奉文鼎建

祭器

木祝版二座

磁登一個

磁爨二個

磁鼎十六個

磁毛血碟一十六個

毛血銅盆二口

磁礪二十二個

磁簋六十一個

磁簋六十一個

磁香爐十八個

磁箸鐏八個

壘罇八個

磁爵五十四個

竹絲籩二百四十六個

木豆二百四十六個

木饌盤十六個

木俎二十架

木燭臺五十三對

紅綉幕幃八個

銅勺八個

錫盞盆二口

盞盆木架二座

錫毛沙池二座

帛篋盒十八個

木牲盤十八個

木高照四十六座

鉄橋燎爐二座

鉄庭燎爐八柱

鉄燎叉四把

供桌六張

綉桌幃十八個

樂器

大鼓一架

楹鼓一架

緞傘蓋一頂

應鼓一架

鼗鼓二架

搏拊二架

琴六張

琴桌六張

瑟二架

笙六攢

龍笛六枝

鳳簫二排

洞簫六枝

塤二盒

篪二枝

一 座 鼓 一 座

簞 四 十 八 枝

簫 四 十 八 枝

羽 毛 一 百 四 十 四 枝

石 磬 十 六 面

銅 鐘 十 六 口

鐘 磬 木 架 二 座

象 簡 六 塊

麾 旒 二 座

旌 節 二 座

千 二 塊 戚 二 座

學 產

學田舊志載早田一項五十七畝七分七厘九毫租二百四十九石五斗一升通志載嘉靖間知縣龐士鵬置現存田九十七畝零今查學田完糧每年俱係各都苗戶下名下自完錢糧儒學每年止徵收租折易穀額銀一十四兩一錢九分八厘四毫征解 學憲散給貧生儒學教官諭令門斗催收儘解並無分毫羨餘

學地三方乾隆九年二契價買得柴余二姓屋基地十年一契價買得胡姓來厯屋基地載明俱坐落儒學前泮池左右教諭楊人傑因學前地狹率學宮紳士將閭邑樂輸之銀置買以擴其制

麥地七號共計五畝一分坐江家塋程毛塢乾隆九年援貢汪仙捐輸學宮佈佃洪子年每年交莛租一石二斗五升

書院

慈湖書院在長樂坊宋楊簡爲令以禮讓變俗時號慈湖先生元至正間知州翟衡得魏敷文隙地築宮其上以聞賜額慈湖書院設山長主書籍教來學以貢士莊田供祀危素有慈湖書院贍田記歲久廢明萬曆間知縣鍾化民慕其倡學高風別建祠于登高山之巔額之曰高山仰止蓋欲後學不忘山斗之瞻也歲時致祀永爲定額今祠雖圯而祀仍舊焉 舊志

洎陽書院在縣治左舊蒙古學基廣八大深二十四丈先是設社學明萬曆乙未知縣金忠士講約于茲謂社有學足修童子之業曷增大其規爲儲養俊彥計有義士王邦本呈願捐置告成後額曰洎陽書院有進士陸起龍記天啟

五年詔毀天下書院縣着原建義士子侄生員王元調等贖買將價解部屋宇基地俱屬民產今仍書者不忘前人作興意也順治丁酉貢士王從先復築書室翟鳳翥有記鳳遊書院在小南門外邑侯朱爰建頗有幽致今廢

贍田計早田一百二十一畝七分二厘二毫晚田九十一畝一分一厘五毫粟地一十七畝三分七厘八毫麥地一十五畝三分二厘租二百六十八石八斗六升續收史鄉宦揭送胡公祠田租七石田坐本縣袁橋村并義民詹天顏輸田三十畝歲有常租可贍來學明天啟間同書院變賣今無舊志

社學附

明洪武八年本縣奉禮部符文以五十家設立社學一所

講秀才教訓軍民子弟舊設在縣治西安隱寺右天順間又却平西門申明亭遺址設之各鄉設如制尋坊鄉俱廢正德初設于山川壇旁以教讀主之嘉靖間知縣龐尚鵬相因修葺尋廢萬曆二十三年知縣金忠士奉撫院檄文大爲興建後雖盡廢仍列其名于左舊志

育才社學在小東關

興賢社學在西門外

崇義社學在西隅前河程子詒朝日章等建

崇正社學在安隱寺右

崇禮社學在文明橋外

興仁社學在范家池

甘棠社學在中隅

崇文社學在平西門內

興讓社學在永豐鄉

修文社學在長城鄉

修德社學在金山鄉

毓德社學在永善鄉

明德社學在豐樂鄉

崇德社學在懷義鄉

興文社學在萬全鄉

就正社學在倪山村

興文家塾在長樂坊何其義建是時邑侯金公士模文

教廣建社學作興人才何捐貲建家塾一所併捐田百畝

教養本姓子弟知縣金忠士扁塾額曰人文興起

遺書

宋

馬遵著

詩經疏義自序 四書約說 四書通旨 莊子內篇解

樞密蛻言十卷 奏議十卷

致一集公嘗言味道臨戎其致則一因以名集

直清集公初試以直清自許因名集

馬存著

拂膺集公初試楊雄劄秦美新論云讀之令人拂膺因名

洪楫著

協趣集二十卷

許尹著

許尹著

卷之三

遺書

十一

紀城集十卷 遺安集二十卷 進說五卷 奏議五卷

洪皓著

帝王通畧五卷 姓氏指南十卷 松漠紀聞二卷

經國文具一卷 文集二卷 紀詠三十卷

輔軒倡和三卷

洪适著

隸釋四十八卷 盤洲集八十卷在秘書閣

洪遵著

唐五代宋登龍記三十七卷 東陽志十卷

小隱集八十卷

洪邁著

經史法語精語共一百十三卷 四朝史記三十卷

太祖太宗本記三十五卷 列傳一百三十卷

鄱陽志十卷 彙堅志四百二十五卷 紀見二卷

楚東唱酬集二卷 唐詩絕句編一百卷

野處集一百四十卷理宗御筆野處二字因名集

容齋隨筆又續筆三筆四筆五筆共七十六卷

王剛中著

易說 春秋通議 漢唐要覽 經史辯 史評

天人修應錄 應齋筆錄凡百餘卷

余童著

尚書說五卷 易解五十卷 太極圖記八卷

性理二雅二十卷 宇原瑩海二十卷 蒙齋集五十卷

洪邦直著

芥軒十卷 柳文註三十卷

蔡景杜著

舒藻十卷 星沙言志二卷 言行錄八卷

馬 登著

老山集 怡齋集 中隱記爲坊人胡彥猷作

程 愈著

竹溪集

程應申著

姚臯集三卷

鍾遠之著

子憲綴稿

方可敬著

止軒集

馬廷鸞著

六經集傳 儀禮本經疏自序 楚詞補記七卷

洙泗裔編 讀史旬編八十卷 咸淳遺老集一百卷

王椿言著

滄洲集十卷

胡 允著

四書辨惑十卷 歷代奏議三十卷

馬端臨著

大學集傳 文獻通考三百四十八卷

多識錄一百五十三卷 義根守墨三卷

程時登著

周易啟蒙輯錄 禮記補註 中庸疏 太極圖說

西銘補註 律呂新書註 孔子世系圖 三卷

大學本末圖 自序 臣鑑圖 八陣圖解 閨法贅語

文字原委 深衣翼 古詩訂義 感興詩講義

述翁集三十卷 文獻錄 自序

李士會著

樂平廣記三十卷 孝感志

元

許道傳輯

顏孝錄 李存序

董 彛著

經疑十卷 三戴辨 四書疑問 平橋詩文集

蔡 深著

春秋纂十卷 敬水菴稿

明

魯 修著

卧雲軒稿三卷 董彛序

楚東詩會至正間邑諸儒分題課詩魯志敏同董宗文主

洪 初著

續廣記

徐 旭著

玉堂集

方昭著

老圃集

許 瑤著

歌稿

胡 敬著

登瀛錄 宣廟親為點校

王 逢著

通鑑釋義 四書通義 史畧標題

程 楷著

詩經講說 二十卷 四書講章 二十五卷 古今一覽

念齋文集 樂平人物傳

王 緒著

易學辨疑 鳥居集

彭應奎著

白厓集

詹 陵著

詩史演義 道統圖說 附註 異端辯正 仕學通考

家禮祭筮纂原 霍山書院錄 宋儒風雅選註

周 聰著

易經講義 二十四卷 論鶴篇

蔡 登著

弦齋集

王由道著

續綱鑑博義

黎 澄著

春草堂集

鮑鑑著

諸儒正學集

周記著

忠烈傳

黎明著

愚浦鳴稿十卷

許宸著

破誣錄十二卷

經時要畧三十五卷

國朝

許琮著

春秋傳

楊光祚著

經義鴻書十二卷

洪國屏著

尚書會旨
幻真篇

王維著

泉湖山集

樂平縣志卷之四

名蹟志 古蹟 壇壝 廟祠 寺觀 坊表 宅墓

伊古有蹟名傳逮今仰觀俯瞰一往情深壇壝廟寺有奕其臨坊宅印墓倍感人心維樂之境名勝林林或綿而亘或鬱而岑陶居柳壟樵牧有禁匪地之重惟人是欽雙闕精舍松閣柱吟撫今追昔愛比棠陰輯名蹟志

古蹟

吳

山越鎮 漢失其馭吳有江東人心未忘劉氏一時山越伏

義羣起於豐樂河溪洞保障吳拜諸葛恪爲將軍慰撫遂降因建邑銀城以鎮之樂安有邑自此始

彭綺城即蕭山寨 在縣東吳黃武四年鄱陽郡彭綺聚衆

數萬自稱大將軍攻沒屬城且倚魏爲援吳患之以周劬
爲郡太守命程普胡綜周魴討綺明年春綺就擒綺初聞
吳軍至築城自衛孫資策其必敗果如資言今邑東蕭山
麓城址綺所築

銀城舊縣 在樂安鄉戴村李有元詩見後有城隍廟故址
巡撫都御史戴儒撰記

宋齊

樂安邑治在樂安鄉今無考

會仙洞在邑東南六十里彭汝礪有詩

甌金場在邑西十五里今廢

鵝塘在邑東南潭水濱廖瑀記

梁

蕭氏庄 在清泰坊梁封帝子恢爲鄱陽王此庄乃給王宮

脂澤王去郡捨庄爲因果寺俗傳爲王史君庄

唐

長樂舊縣 在桐山鄉長樂水口開元間建樂平縣至乾符

爲寇所燬惟存城隍故址李士會詩見後

天儒池 在縣東北天仙觀前相傳唐貞元中月夜有二羽

衣對語橋上久之各駕鶴上昇

會昌鎮 鎮始於宇文周以鎮捍樂唐會昌末刺史表請以

邑因果寺爲花鴈鎮本縣令兼知鎮事自是將權重今權

輕民苦措克厯五季迄宋鎮始廢今安隱寺即鎮地

饒娥雙闕 在長城鄉唐建中二年黜陟使鄭叔則列其孝

於朝得旨旌表即其所居建雙闕其制有廳事步闕前立

屏樹烏頭正門閣闕一丈二尺烏頭二柱相去一丈柱頭
安瓦桶墨染故號烏頭門外築雙闕在烏頭門之南高三
丈一尺夾街十五步對植槐柳此唐制也邑宰李昉有雙
闕記

巢兵駐跡 唐末樂安受黃巢兵禍者三其始受兵也巢黨
王仙芝既敗潰將王重隱渡江而南攻饒太守顏標死之
乾符六年巢渡江之東轉掠饒廣明元年高駘方鎮淮南
遣將張濬擊巢巢時斂兵駐饒濬擊死之巢遂猖獗多殺
以逞巢黨黃揆縱火焚樂平宰柳尹拒之不免死之邑
殘破不可復理遂遷而西今豐樂鄉鷓鴣山萬全鄉石潭
山樂安鄉軍山皆有黃巢駐跡

神劍井 在縣前相傳晉石敬純爲父報仇追殺牛昌隱徑
此飲水留劍償之故名

宋

宣詔亭班春亭 寶祐間邑宰俞公美建元至正兵廢今樵
樓卽二亭舊址

景楊堂 在縣治內邑宰俞公美景慕楊文元公德政故名
今廢

排柵城 縣治舊無城郭但立排柵以備不虞元至正壬辰
兵廢

放生池 以樂安江上下五里水爲之禁民網罟本唐制也
宋因之紹興有詔誕聖節縱魚鱉其中禁漁捕

薛家塘 在縣北隅宋岳飛獄成大理少卿薛仁輔不署奏
牘明飛無罪奏檜怒謫饒州仁輔卜居樂平宅旁有塘後

因名李士會詩見後

康山驛 在長樂自唐有之宋淳熙間重建塗廢

桐林驛 在金山鄉宋向公美有詩

靜蛙池 在永善鄉披雲閣下宋馬廷鸞讀書於此苦池多

蛙聲剪紙為柳取一戲罪之羣遂不鳴至今產其池者皆

白項無聲

釣臺 在樂安鄉巨石可坐以釣石上有雙膝跡存

慈湖遺書閣 宋楊文元公慈湖人紹興三年宰樂平以道

德訓邑人所著二十書易詩春秋傳曾子傳先聖大訓已

易閒居解絕四記啟蔽治務古文孝經傳魯論解甲彙

彙冠禮婚喪禮家禮家記釋菜記名魚家記半出慶元

崇道觀後半出嘉定領玉局觀後邑人建閣學宮後

其書今閣廢書亦散逸門人袁甫提刑江東有記今無存

仁壽樓 在靜理鄉宋提刑徐衡致仕高宗書仁者壽二大

字賜之因建是樓今址尚存俗皆呼仁壽樓場

邀月亭 在永善鄉馬子才記

迎薰堂 邑人程氏建馬子才記

登瀛閣 在縣東南永善鄉邑人程該者于其居跨池為閣

高壯偉麗聚書其中以教子孫名曰登瀛馬子才記

怡齋 馬登建洪文敏記

松風閣 余仲庸建洪文敏記

湖山樓 在縣東五十里瞰湖負山宋敷文閣魏公彥成建

孫覲有記梁竑有詩

儒富莊 李叔翔建馬翔仲有記謝疊山有詩

東軒 黎辰建馬翔仲記

柳塘 黎煥童建許瑤記

汲古齋 程剛愍公所扁齋其子邁復揭其扁名其室以承

先志曾搥銘帷士尚志追探古心必有修綆其汲乃深

竹州精舍 魏文靖公了翁爲洪士龍作

刺溪別墅 魏 知建洪文敏有詩

老學樓 馬公翔仲建有自題詩

遺老軒 馬公翔仲有記

蒙齋 余端蒙建張南軒銘

草窠 王季望建湯漢有詩

讀書堂 李有元建危復之有詩

源清樓 朱氏建秘書少監朱公克升記

鴈塔 在靜理鄉宋丞湯鑄建以題進士名第譚應斗記

春雨亭 馬端臨記樂平董君自明既葬其親塚柏大矣結

茅其間扁以春雨

元

繼志堂 方與成建方孝孺記

桂山吟所 孫貴傳建山陰錢子予記

翟公堤 至正間知州翟衡築外河堤捍水患民德之稱翟

公堤即今壩頭是也程登庸記

蒙古學 在廟學後

明

文山千戶所 永善鄉文山之陰地控饒信間元初立千戶

所鎮之洪武初鎮以百戶尋併入本府千戶所歲遣代守

之爲治鄉成

詩塚 金山鄉魯脩以文雄江東有詩朋十人皆緣情善賦
番數罹兵燹修懼其詩失傳埏埴爲甃刻瘞石門山中瘞
已金華宋濂勒銘其上按魯修字志敏樂平人樂平古番
陽地故銘云番山香水

東流逸舍 羅溪橋朱致中建

雙牌 在銅山鄉因胡應星胡應辰名

翟家塘 在桂山舊志有市心早田三分

南薰書樓 陶儉建李孝光記丁宜民有詩

忠義門 金山鄉許瑗死忠許則祖許允明許公冕倡義勸

王朝廷賜褒忠義表其門坊築廢嗣孫忠重建邑士方

黎鳳俱有詩

甘露亭 在金山鄉梅岩萬曆甲申夏知縣鍾化民禱雨其

處遂立

鎮西樓 卽迎恩閣在平西門景泰間知縣金澤率西隅民

衆創建成化間鄧冕成之陳九德記

文昌閣 在西關外萬曆二十四年建知縣金忠士有扁

文筆塔 在縣治水口禪台山萬曆間知縣葉以圭建

壇壝

社稷壇 在縣治東永豐鄉密岡上舊在平西門外宋知縣

楊簡記明洪武間遷今處每歲春秋二仲上戊致祭

先農壇 在城外東隅雍正五年知縣沈嘉徵奉文建祠坐

真君閣置有藉田

風雲雷雨山川壇 在登高山之巔舊在縣治東慈湖書院

遺址明萬曆間以其地半爲便民米倉知縣鍾化民遷此
仍洪武二年例以城隍合祭于一壇

屬壇 在縣治東北每歲清明日七月望日十月朔日致祭
以城隍主之

里社壇 鄉都間有之今廢

鄉屬壇 明初頒降禮制凡鄉社人民立壇一所春秋二社
祀五土五穀之神祭畢讀鋤強扶弱之誓讀畢長幼以次
就坐務在恭敬神明和睦鄉里以厚風俗其各鄉屬壇每
里設壇一所以祭無祀鬼神告請本邑城隍之神主祭會
飲讀誓等儀與祭里社同後俱廢府志

廟祠

城隍廟 在縣東南長樂坊舊在長樂水口廟址尚存唐中

和間建今處宋淳祐三年知縣羅侶重建明洪武三年奉
詔書改正神號書某府州縣城隍之神五年知縣曾宇春
建廟廡悉備成化十七年知縣陳崇重建正德十二年知
縣張文應重建門坊萬曆十九年知縣黃洽中重修是年
并徙安隱寺旁鐘樓於廟東本朝順治三年廟燬于兵四
十年知縣田發禹建十年知縣王德明建前廳康熙十二年
知縣王道隆建前堂門左右廊廡十八年知縣宋良翰重
修創廊廡墻垣乾隆十年知縣陳訥從新鼎建廟廳頭門
煥然一新尚餘兩廡墻工十六年知縣王翰完葺

東嶽廟 在縣東二里東山之別嶼此而謂之東嶽即泰山

也後遷清泰坊康熙甲寅知縣王道隆建前殿砌造門墻

忠義廟 即閩王廟舊在儒學傍嘉靖庚申知縣周武相鼎

新於南門外順治三年六月燬于兵四年正月程廷祥倡
義疏於邑侯田公發率衆重建康熙十五年總鎮高公登
科督兵征勦於廟後鼎建觀音閣

孚惠廟 本信州貴溪自鳴山樂平其旁邑邑人詣而禱者
因奉香火以歸祀於西南二十里晉石敬純即其神也邑
宰揚簡有記

石吳王廟 在城東隅即漢長沙王吳芮東北諸鄉多有廟

或因王車所歷或因王柩所過祠曰石吳者蓋鄱人以石
刻王象也康熙十八年知縣宋良翰重修

世忠廟 即歙人忠壯公程靈洗杭橋程長城程皆其派也

王尹祠 在豐樂鄉王縣尹王世輔今地割入萬年

忠烈廟 在縣北七十里花橋始歙人汪華常隋末據歙宣

杭婺饒六州稱吳王唐興王不煩兵戈自以州獻歙入

而祠之饒歙接壤故有祠

靜應廟 在縣東六十里軍山一居山北一居山南唐末長

城義湖人李廣當巨寇起鄉人推廣爲主依山拒之既歿

邑人祠之宋政和中部使者請之朝謂神澤旱有禱必從

爰賜今額

許將軍廟 在縣東六十里廟前方湖將軍名承傑唐昇元

保大中以義旅策勦擢右職歿爲立廟

戴大夫廟 在縣北七十里八澗橋大夫名安婺源人仕吳

唐間積官銀青光祿大夫其卒也子孫並築建廟樂平婺

源接壤今楓林古碑仙槎洎口多大夫苗裔故亦祠之宋

三傳學士匡宗始遷洎口迪功郎彥德將仕郎時進主簿

仲和又皆泊口派也

文孝廟 在清泰坊前臨范家池始神爲蕭梁太子遜位不居而留意遷文既薨廟祀池之秀山宋元祐三年賜今額所至設祠祀之淳祐三年冬西關火神有反風滅火之應羅宰侶新其祠萬曆乙酉知縣鍾化民建宋饒守范文正公祠于前廳以公遇化茲土池以范名存澤也

唐孝女饒娥祠 舊有饒娥雙闕在長城鄉汨灘里其與廢

詳載柳宗元楊簡馬廷鸞諸記中明嘉靖乙巳知縣陳絳

重建于永豐河口後祠宇傾頽本朝康熙壬子知縣王道隆畧建康熙甲寅兵變復圯十七年知縣宋良翰重修

馬吏部祠 在永善鄉宋王安石有祭文

程剛愍公祠 在清顯坊李伯玉記郡城舊亦設有祠在舊

州學今廢

洪忠宣公祠 一在金山鄉一在東隅長樂坊寶祐間建趙

汝騰記康熙十二年知縣王道隆重修

趙宣撫生祠 宋景定間趙公蔡宣撫江東詔屯廣信過樂

平民感其惠政立祠于萬壽觀祀之今廢馬廷鸞有記

劉節度祠 在縣東六十里流芳節度諱漢英值唐季黃巢

亂佐父僕射劉汾捍禦信州有功後弟漢寧二子真玉始

遷樂平之樂安乃建是祠不忘先也

義勇祠 在武當觀東明正德間姚源盜起摠制陳公檄募

義勇剿平時亡於陣者四十八人知縣汪和愍其死因紀

名立祠祀之今廢

許忠臣祠 在安隱寺右明嘉靖丁巳知縣龐尚鵬爲高陽

侯許瑗立坊額書開國忠臣四字歲時以禮致祭今其裔
孫世嗣奉祀生一員萬曆二十四年知縣金忠士重修
程節孝祠 在登高山麓明萬曆乙酉年知縣鍾化民爲程

仕簡建乃其孫編修楷書址也歲時祭祀與洪許諸公並
載祀典碑記載後

二侯祠 在察院前明萬曆丙戌知縣鍾化民應內召壬辰
知縣黃洽中擢南部民懷其惠合祠祀之有記

勇節祠 在縣治左爲忠烈王趙建至今春秋二祀

張公祠 在縣治儀門東乾隆間知縣汪弘禧陳訥詳請

褒封忠貞慈惠之神歲額祭銀二兩二錢七分每年五月

二十五神誕公同僚佐士民致祭

范文程公祠 在城內北門務前

寺觀

安隱寺在縣治西晉大興二年建宋祥符九年賜額今寺燬
遺址尚存新改爲

萬壽亭及講約所其寺外餘基悉係公業

太平寺在靜理鄉唐儀鳳中建

上元寺在懷義鄉唐天寶中建

孟建寺在金山鄉唐天寶中建

板舟寺在豐樂鄉唐太和中建

桐林寺在永善鄉唐太和中建

泣源寺在靜理鄉唐太和中建

連湖寺在永善鄉唐太和中建

臨河寺在萬全鄉唐太和中建

四冲寺在永善鄉唐大中間創
西禪寺在豐樂鄉唐咸通中建

永寧寺有二一在金山鄉唐乾寧中建一在萬全鄉宋建
新安寺在靜理鄉唐天祐中建

羅漢寺在長城鄉唐天祐中建

寶固寺齋山寺俱在樂安鄉唐天祐中建

金山寺在金山鄉唐天祐中建

地藏寺有二一在豐樂鄉唐天祐中建一在永善鄉南唐保

大中建

延和寺在金山鄉唐建

寧國寺在萬全鄉唐建

山門寺在萬全鄉唐建

童嶺寺在樂安鄉楊吳順義中建

杉田寺在靜理鄉楊吳順義中建

再興寺在金山鄉楊吳順義中建

靈岩寺在永豐鄉南唐保大中建

法華寺在永善鄉南唐保大中建

廣敬寺在永善鄉南唐保大中建

資福寺有三一在金山鄉南唐保大中建一在豐樂鄉宋政

和中建一在樂安鄉宋寶慶中建

觀音寺有三一在永善鄉宋開寶中建一在靜理鄉宋咸淳

中建一在長城鄉

留田寺在永豐鄉宋開寶中建

大雲寺在懷義鄉宋開寶中建

東山寺在永豐鄉宋太平興國中建賜額今廢
龍安寺續岡寺寶興寺俱係宋太平興國中建

楊斛寺在懷義鄉宋淳化中建

泗洲寺在萬全鄉宋淳化中建

崇聖寺在縣治北宋天聖八年賜額今廢

正覺寺在新進鄉宋慶曆中建

西林寺在樂安鄉宋皇祐中建

翁竺寺在豐樂鄉宋嘉祐中建

保安寺在金山鄉宋治平中建

寶勝寺在樂安鄉宋元祐中建

羅漢寺在銅山鄉宋元祐中建

雙峰寺在豐樂鄉宋元祐中建

勝田寺在豐樂鄉宋元祐中建

畢湖寺在豐樂鄉宋紹聖中建

萬壽寺在樂安鄉宋崇寧五年建鍾傳奏賜額

武岡寺在新進鄉宋政和中建

櫟林寺在新進鄉宋政和中建

稱心寺在永豐鄉宋紹興中建

新興寺在金山鄉宋紹興中建

教忠寺在永善鄉宋乾道元年建王剛中奏賜額

長吉寺在懷善鄉宋嘉定中建

本教寺在永善鄉宋咸淳初馬廷鸞奏賜額

臨河寺在銅山鄉宋咸淳中建

蘆子寺在萬全鄉唐天祐中建吳思忠吳化復建

重興寺在樂安鄉

崇德寺在豐樂鄉

崇寧寺在永豐鄉

鷓鴣山寺在金山鄉

梅浦菴在靜里鄉宋建明末僧寂通重修

觀音閣即香林寺在縣治東小南門外寺西有透心亭雍正

五年知縣沈嘉徵建原係鳳遊書院舊址

祥雲觀在靜里鄉隋仁壽中建

天仙觀在靜里鄉唐太和中建賜額因前有天仙池故名

靈鶴觀唐天寶中建

崇仙觀在新進鄉梁大中間建

萬壽觀在縣治西北宋紹興中建賜額有吳存記內翰玄通

進士李清托跡所也呂純陽仙留題詩對遺跡

靈應觀在永善鄉宋淳熙中建

武當觀在永豐鄉宋咸淳中建賜額

雲留觀在金山鄉宋咸淳中建

峽山觀在懷義鄉元元貞中建本村重修

白雲觀在靜理鄉元元貞中建

慶元觀在萬全鄉元皇慶中建

正一觀在豐樂鄉元天曆中建

昇貞觀在永豐鄉元至元中建

清寧觀在豐樂鄉元至正間平橋葉鈞仲奏請賜額今廢

東山庵在萬全鄉本朝康熙年間重建

南屏寺在萬全鄉舊名永福庵康熙年間重建

坊表

精忠貫日坊為宋紹興十三年洪皓使金還入對乞歸養母
上慰以忠貫日月云云遂名坊

清顯坊為宋秘書正字坊人程文立

忠臣坊為太平守許瑗立

聯桂坊為舉人汪琰汪璇立

重輝坊為舉人汪本汪淮立

雙桂坊為舉人黃善黃進立

鳴岡坊為舉人方寶立

進士坊為董旻立

尚賢坊為舉人王贊立

岳伯坊為叅政周禮立

折桂坊爲舉人鮑應立

結桂坊爲舉人鮑宣誠立

成泰坊爲舉人鮑高立

進士坊爲舒謨立

文魁坊爲舉人程時悅立

繼科坊爲舉人王堅立

登第坊爲舉人高安立

登雲坊爲舉人程九達立

圖南坊爲舉人高貴立

進士坊爲主事周榮立

叢桂坊爲舉人徐亮立

登仕坊爲舉人蔡貴立

儒林坊爲舉人汪閣立

解元坊爲王仲壽立

雙桂坊爲舉人程禧程靜立

聯璧坊爲舉人程鵬程信立

進士坊爲袁邇立

進士坊爲汪雲立

賓興坊爲舉人齊務本立

文林坊爲知縣齊和立

雲錦坊爲貢士林顯立

繡衣坊爲鄭冕立

文林坊爲知縣吳昂立

聯薦坊爲明經詹以賢詹鏞立

龍光坊爲舉人汪恕立

登瀛坊爲舉人吳堂吳中立

世科坊爲舉人徐崇道立

晝錦坊爲知縣汪統司訓汪成立

繼武坊爲舉人趙克道趙輔立

繡衣坊爲葉恕立

世英坊爲舉人汪樾立

旌賢坊爲鄉賢周聰立

桂林坊爲舉人徐紹立

步雲坊爲舉人徐哲立

青雲坊爲舉人汪克升立

登庸坊爲貢士陳善立

步武坊爲舉人詹頊立

登雲坊爲舉人詹香立

進士坊爲彭福立

登第坊爲舉人朱本立

揚芬坊爲舉人馬馨立

青雲坊爲舉人程愛立

繡衣坊爲詔徵程勇立

雲階坊爲舉人方憲立

世美坊爲貢士程珠立

都憲坊爲進士黎福立

丹桂坊爲舉人徐鐸立

少司馬坊爲黎福立

世科坊爲舉人舒旌立

雙鳳坊爲舉人朱珍朱璽立

聯璧坊爲舉人朱璽立

會元坊爲成化丁未科程楷立

殿魁坊同上

進士坊爲主事張約立

聯科坊爲舉人徐鐸立

進士坊爲程乾立

攀龍坊爲舉人毛彪立

擢科坊爲舉人陶盛立

繡衣坊爲進士汪律立

世德坊爲舉人余碩立

登科坊爲舉人王緒立

桂林坊爲舉人程誥立

邦伯坊爲進士程誥立

解元坊爲彭應奎立

世科坊爲舉人朱銑立

起鳳坊爲舉人朝籥立

華國坊爲舉人詹陵立

青雲步武坊爲舉人朱文舉立

鴻達坊爲舉人程賢立

魁英坊爲舉人陶性立

多賢坊爲舉人程洪政立

文元坊爲舉人王由道立

文鳴坊爲舉人高美立

文華坊爲舉人葉瑞立

龍光坊爲舉人葉升立

鳳梧坊爲進士程嘉行立

雲龍坊爲舉人歐淮立

躍龍坊爲舉人胡祥立

鷓鴣坊爲舉人黃楮立

翹英坊爲進士舒林立

岳伯坊爲進士吳中立

忠義坊爲許璦許則祖許允明許公冕立

文華坊爲貢士王崇立

進士坊爲程靜立

仙桂坊爲舉人徐彛立

重登坊爲舉人徐豪立

桂林坊爲舉人徐曠立

桂芳坊爲舉人葛純立

文奎坊爲貢士童威立

尚賓坊爲貢士柴仁立

應宿坊爲知縣王林立

用賓坊爲貢士汪鑑立

文英坊爲舉人程蘭立

觀光坊爲貢士周洪周道立

飛黃坊爲舉人陶龍立

儒林坊爲貢士程雍立

文林坊爲知縣周尚文立

文林坊爲貢士程諒立

進士坊爲倪良倪鼎倪益立

京關擢俊坊爲舉人李寬立

來雉坊爲舉人黃龍立

文顯坊爲舉人周訓立

巡按兩畿坊爲廣西道御史方輅立

銀臺坊爲進士朱繼忠立

進士坊爲嘉靖癸丑科黎德充立

玉堂青鎖坊爲嘉靖丁未科黎澄立

進士坊爲嘉靖乙未科黎秀立

四賢坊爲尚書范鏗侍郎黎福祭酒徐旭編修程楷立明

縣屬尚鵬建

秋官大夫坊爲刑部郎中高美立

文魁坊爲舉人洪世弼立

笠雲坊爲舉人陳九德立

亞魁坊爲舉人王承永立

先登坊爲舉人葉之培立

世魁坊爲舉人周之文立

邦伯坊爲鶴慶府知府程道淵立

科貢聯輝坊爲進士程良恩貢程服畏立

先第坊爲舉人徐震立

繩武坊爲舉人程之祐立

天朝正使坊萬曆乙未知縣金忠士奉本府知府林欲厦爲

使琉球給事中董旻立

秩宗坊爲萬曆丁未科進士方應庚立

宸翰坊宣宗御筆書賜中官胡敬立

聖朝人瑞坊崇禎己巳爲謫封禮部主事百歲翁方舟立

其慶重封坊爲大理寺評事黃銓立

鳳池展彩坊爲鴻臚寺少卿黃錯立

大京兆坊爲嘉靖丙戌進士戴儒立樂安鄉人德興縣籍

大司馬坊爲兵部尚書范聰立

旌表坊爲程嵩翰穀立

旌表坊爲周禹昌翰穀立

旌表坊爲陳景怡翰穀立

旌表坊爲張安翰粟立

旌表坊爲葉德暹翰粟立

江西義士坊爲王邦本建書院立

旌表坊爲鍾象孫翰穀立

高義坊爲神前華偉仁立

高義坊爲峽山張尚翰粟立

以上義翰各坊原據舊志其間
殘缺遺失甚多後當考入

開國元輔坊爲大學士范文程立

旌節坊爲詹伯尹妻倪氏立

旌節坊爲程孟宸妻黃氏立

旌節坊爲程彪明妻汪氏立

旌節坊爲生員吳公治妻程氏立

旌節坊爲孫仲仁妻陳氏立

萬古流芳坊爲顧節婦張氏立

節孝坊爲徐伯安妻陳氏立

節孝雙全坊爲生員王千鍾妻董氏立

貞節坊爲舉人段文盛妻崔氏立

旌節坊爲生員許穆卿妻邵氏立

旌節坊爲黃明徽妻徐氏立

貞女坊爲王勛庸妻洪國麟之女洪氏立

旌節坊爲朱谷保妻方氏立

旌節坊爲何雲騰妻張氏立

旌節坊爲徐夢燠妻蔣氏立

旌節坊爲廩生楊錠妻戴氏立

烈婦坊爲余伯迪妻李氏立

節烈坊爲徐文燿妻李氏立

縣前

承流坊在縣治前左

宣化坊在縣治前右

明正德九年知縣龔淵重立左廣仁右率義嘉靖三十三年知縣龐尚鵬重修

學前

興賢坊在學前左

育材坊在學前右

明弘治間知縣趙錡立左坊更扁會元爲成化丁未春闈

程楷書右坊更扁解元爲永樂壬午秋闈王仲壽正德乙

卯秋闈彭應奎書正德十三年張文應重立左坊書聖賢

闕里右坊書科第門牆嘉靖三十三年知縣龐尚鵬仍初

名隆慶三年知縣程沂重修萬曆二十三年知縣金忠士
修會元坊建解元坊

按坊表之建與坊鄉不同蓋所以表揚忠義孝節為鄉
國務式即古表厥宅里意也今志編入名蹟於義頗合

義民坊為介源彭雅三立補

尚義坊為墩上鄒元淳立補

宅墓

唐顯孝饒娥故宅在長城鄉淚灘里

宋洪忠宣公故府在金山鄉洪源岩下

鍾運使公故宅在邑治景豐門外

魏敬文公故宅在邑治南隅桂山

董平橋公故宅在邑平橋西隅

宋明所公故宅在金山鄉顏德里

唐顯孝饒娥墓在長城鄉淚灘里

宋程剛愍公墓在懷義鄉障嶺麓

王恭簡公墓在永善鄉久林里

戴忠恭公墓在萬全鄉勅塋與廟相近

馬吏部公墓在永善鄉

馬丞相公墓在永善鄉

薛公仁輔墓在銅山鄉

見通志

程述翁公墓在金山鄉

元知州黎辰公墓在金山鄉黃金林

汪副憲公墓在景豐門外

明征南大將軍黔寧王祖墓在長城鄉大汾潭之北洪武

勅遣指揮鄭祥代國公沐春致祭并勒神道碑碑畧見後

自是遣官世祭不乏

曾卧雪公墓在金山鄉

王松塢先生墓在懷義鄉三源里

張彥方公墓在縣治清白堂後

